

Deo optimo maximo uni & trino, Virgini Deiparæ, & sancto Lucæ orthodoxorum Medicorum Patrono.

(1724)
Lisey 1424

QUÆSTIO MEDICA.

Cardinalitiis disputationibus manè discutienda in Scholis Medicorum, die Jovis tertiâ Martii.

M. FRANCISCO PIJART, Antiquiore Scholæ Magistro, Præside.

An natura paucis contenta?

NULLUM corpus unum est. Sed variis ex corporibus variâ motione concitatis adornatur. Si unum esset nihil à se pateretur, sed tantum ab iis quæ extrinsecus occurrunt. Lex enim est à Deo posita, rem unamquamque eodem manere statu, nisi vi alterius rei, ab eo depellatur. Concinnatus corpus variis ex corporibus, & à se & ab externis violatur. Hinc viventium corpus diversis objectum mutationibus. Hinc accretio, *ulceris, ulcers, &* tandem mors. Plantæ nonnullæ quam compages intima tenacior, diutius subsistunt. Animantium corpus citius collabitur. Humani, præ cæteris celerior est ruina. Quasi vita, quæ actionum stat multitudinem, perseverantia brevitate compensari debeat. Plantæ stabiles nec loco motæ, dissipant minus, dissipant magis, longè amplius animantia, quæ sam obtinet. Hanc triplicis corporis mutationem, rei, quæ alimentum dicitur, adjectione, reparari necesse est, ad fugacem tutelam tantum, non ad diuturnum præsidium.

CORPORIS humani œconomia humidis & solidis partibus constituitur & regitur. Illæ constant nusquam, sed usque evanescent. Hæ videntur quidem consistere, sed revera ejusdem sunt conditionis. Hoc est cum ex semine liquido ortum trahant, & sanguine humido conserventur: à fluidis figurantur particulis, quæ ita colligantur, ut humiditatis motu amisso, duritiem ostendant. Sed mobilissimus, & omnia pervadere aptissimus spiritus, solidas concutiens particulas, primò commover, dein convellit, dimovet postea. Quæ humide sunt, cum sint *digestæ*, & intestinâ, quam facit tantum aliquot dies, septem, decem, duodecim raro ultra. Hujus tennini differentia, à solutioris aut compactionis, rarioris aut densioris structuræ differentia, nec non à spiritus mobiliori aut moderatâ indole. Spiritus duplici re continetur aere & tenuiori sanguine. Ut vigeat diuque perseveret nec tenuis sit nec crassus, sed superficiem habeat pro ratione molis non ita magnam. Hic agit se ad movens minimis fibris, actione attritur, attritus avolat, languidumque reddit corpus. Attritio in remotione partium constituitur. Hos etiam inertes prædat aer, sive inspiratione receptus, sive extrinsecus per poros intrusus. Adeo ut effluvi duplex compareat causâ æquè accelerans, aer externus, & intima incitatio, cui adjungitur corpus pulsio, omnium quæ in corpore sunt pulsionum vehementissima.

DE PERDITA substantia reparatur cibo & potione. Utriusque sollicitum evadit corpus, duplici impressione in stomacho, & in faucibus. Plusquam mirabili artificio nondum intellecto, & nusquam forsitan intelligendo, organa disposita, egestatem & desiderium cibi & potiones efformant. Queritur utrumque & ingeritur, pro modo famis & sitis, quasi fames & sitis omnibus partibus providerent, non sibi soli. Cibus & potus ventriculo conclusus coquitur, subigitur, digeritur, non fementatione, quæ nulla secundum naturam, non ebullitione, quæ solis est cordis, sed solâ dissolutione quæ à re dissolvente pendet. Hæc ventriculi fundum occupans omnes commissi cibi partes subit, penetrat & se jungit. Concitatur ad id opus, impetu spirituum animalium, qui jugi nervorum plexu confluant in ventriculum. Et rei solventis, & rei solute conjunctione, tertium genus corporis emergit, ab utroque diversum, alias adhuc dissimilitudines passurum antequam in utilitatem & auxilium partium abeat. Non se liberat ventriculus materiâ quam adparavit, nisi cum hæc eadem liquidior contractas fibras laxans, spiritus contractionis auctores, aut fugat, aut dissolvit, aut agit præcipites. Liquida hæc moles ab intestinis coercita, aliquatenus siccatur, secretâ aqueâ humiditate. Inde venulæ bene multæ velut antliæ sugunt & exhauriunt liquorem, aliis vasis tradendum. Quod superest, siccatur magis, excrementum amovendum.

QUOD nutrimentum in solatium & molem partium accedit, post aliquot quietis momenta deperit, & deperire cogitur. Res nutrienda vacuitatem occupans, coheret & permanet, sed frequenter concussa à liquidis continuo allabentibus, cedit fracta vel integra. Integra redit in venas. Fracta nusquam venis reddi apta, propter amissam molem & molliem debitam, ejicitur insensibiliter transpiratione. Scilicet corpus minus grave, magis gravibus innatans, ab iis depellitur. Sed refarcitur hæc abito, novâ & simili appositâ materiâ, quæ effluenti debet quantitate respondere. Pauca omnino huic officio sufficit, cum jactura, quam faciunt partes non tanta sit. Hæcita æstimari debet, ut minima detrimenti portio iis assignetur, licet plurima fiat decessio. Distinguenda diminutio solidarum partium, à diminutione humidarum, quæ multum suæ substantiæ à naturâ deperdit. Licet corporis sensu, appositio metienda reputetur, non tamen regula omnino certa. Ventriculus nempe confusione abreptus, quasi præjudicatâ opinione teneretur, plus cibi plerumque petit, quam expedit refarciendo damno. Peccatum regitur bonitate corporis, cibi redundantiam propria vi expellens, nullo confectio incommodo. Corpus si fit debilius, labefactatur cibo supervacuo, aut opprimitur. Quæ est intemperantiæ turpis calamitas. Peccati medela, observatio. Hæc sæpius iteratâ compertum, paucam admodum nutrimenti copiam, corporis damna reficere, integram valetudinem afferre & fovere, vires augere, immunitatem à morbis dare, & longam vitam largiri.

NATURA scilicet paucis conservatur & valet. Ratio, duce observatione, nutrimentum procurans, quantitatem investigat & metitur virium robore, & corporis alacritate. Licet una & communis omnibus obtineri non possit mensura, propter multiplicem temperamentorum disparitatem, debilibus tamen & ad senium vergentibus, cibi modus observatione definitur duodecim uncias aut paulò amplius, additâ eadem portione sive aquæ & vini conjunctim quantitate. Ad hanc regulam redeuntur cibi & portiones eorum, qui laboribus dediti corpus exercere nimio plus, aut studiis vacant immode. Adde ut quò vegetior est natura, & corpus acerbiori exercitatione recalcet magis, cibi & portiones mensura concedatur amplior. Consistendi occasio, virium integritas, functionum omnium libertas expeditissima. Beneficium quæsitum si non obtineatur, augendi nutrimenti est opportunitas. Si oppressio succedat aut aliqua impeditio, minuendum. Hæc arte nutrimenti paucitas invenitur, longè infra eam quantitatem quam indulgens consuetudo permittit. Ut à pravissima consuetudinis regulâ recedant, qui ultra modum gulæ sunt addicti, & optimam mediocritatis normam sequantur, sensim circumcidendus cibus & potus, sic convenientem sibi facient mensuram, additis aliquot uncias debiliorem mensuræ. Hujus laboris merces amplissima, floridus faciei color, ingenii præstantia & suavitas. Nec unius præ aliâ, regionis est hæc mediocritas, cum in Ægypto æquè ac in Europâ observati sint viri sapientes, qui cibi librâ unâ vitam traxerint felicem & diuturnam.

Ergo natura paucis contenta.

Proponebat Lutetiæ LUDOVICUS DE VAUX, Parisinus, Baccalaureus Medicus. A. R. S. H. 1689.

